



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

22 Aprilis. 10 Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

22 Aprilis. 10 Kal. Maji.

SANCTE Theodore Episc. quem
 utero gerens mater, vidit stellam
 è cælo in sinum suum descendere:
 quem sexennem vestibus preciosis
 pro aulâ instruenti matri tuæ S.
 Georgius apparuit, & dixit: *Quôd-*
nam, mulier, de puero consilium cepi-
sti? Ne frustra laborem suscipias. Rex
enim, qui in calis est, ipsum sibi re-
quirit: quem ægrum decedentes
 ex imagine Crucifixi duæ roris
 guttæ sanârunt: quem, ad orandum
 excitatum, ad suum templum de-
 duxit manè S. Georgius; idémque
 te contra dæmones, & contra fœ-
 minas, te à templo prohibentes, en-
 se stricto iis minatus, defendit: cui,
 duodecim annos nato, Rex JESUS
 visus dixit: *Strenuè pugna, Theodore,*
ut perfectam in caelesti militiâ merce-
dem accipias; & tunc admirabili si-
lendi desiderio exarsisti: cui à dæ-
monè, sub amici specie latentis,
 tentato, S. Georgius manum ap-
 prehendit, & dixit: *Veni, sequere me;*
et ne audias tentatorem illum, qui
animam tuam quarit: neque enim
amicus tuus est, sed nostri generis ini-
micus. qui calicem, è mulieris im-
 pudicæ

pudicæ argento confectum, non admifisti; & ille, te orante, totus atro colore teter apparuit: qui Christum in templo, & MARIAM præsentem aspexisti: quem MARIA Virgo semper, ne ullum tibi venenum noceret, protexit. Exora mihi hanc à Deo gratiam, ut nihil me à piis, nihil à Deo avocet; ne me ulla creatura venenatis illectamentis à Deo abstrahat. Pietas, ad omnia quidem, sed ad mortem sanctè obeundam, vel maximè utilis est. Pius volo vivere, pius mori. Amen omnia, æstimem omnia, quæ æterni sunt momenti. Ne ullum mihi peccati venenum auferat vitam æternam, per mortem æternam. Amen.

SS. Soter, & Cai, Papæ, MM.

Sancti Apelles, & Luci.

Sancti Azades, Milles Episcopo, Jacobo, Aithala, Joseph, & alii plus quàm ducenti quinquaginta Episcopi, Presbyteri, Clerici, Virgines, aliique innumeri Martyres, immanibus, ac diuturnis cruciatibus laniati.

S. Tarbula, Sancti Simeonis soror, quæ cum tuâ pedisequâ, stipitibus alligata, ferrâ scissa es.

SS. Par-

SS. Parmeni, Helimena, Chry-
sotele, Luca, & Muci, MM.

S. Leonides Martyr.

S. Epipodi, post dira tormenta,
gladio percusse.

SS. Leo, & Theodore, Episc.

S. Wolphelme Abba, qui ali-
quando visus es Christum in bal-
neo abluere, præsentibus Aposto-
lis; ac id officii postea pauperi cui-
dam ægro præstitisti, & eum per-
sanasti: cui, uno antemortem an-
no, domûs fragrantis & ornatissi-
mæ instar, ostensâ cæli gloriâ,
Angelus dixit: *Hunc locum quanto
studiosius, ac venustius exornaveris
tanto jucundius ac felicius illo fruëris.*
& extremo illo vitæ anno, ad vir-
tutem admirabiliter volâsti, corde
adeò inflammatus, ut etiam, si nol-
les de Deo loqui, filere non posses:
qui, post mortem, mare ab hostibus
fore securum, ex vero prædixisti, &
psalmos ter ternos recitari iussisti,
in honorem SSS. Trinitatis. Doce
me, ut sanctè colam SSS. Trini-
tatem; ut omnia faciam accura-
tè; ut Christo serviam in omni-
bus.

S. Opportuna Virgo, quam, cœ-
nobium ingredientem, coruscus
Angelus est comitatus; quæ cili-
ciis,

ciis, jejuniisque carnem macerans, aiebas, in paradisum per jejunia nos reverti debere; quia indè per gulam excidimus: cui agræ Sanctæ Cæcilia, & Lucia, è cælo adfuère; adfuit èt pice liquidâ fluente, ac igne horrido fœdissimus dæmon; sed victus est: quæ tandem sumpto, pro viatico, Jesu corpore, in occurrentis tibi MARIÆ amplexus dum brachia exporrigeres, morte dulcissimâ expirâsti!

OMNES SANCTI, &c.

pag. 320.

S. MARIA, à quâ adventum S. Opportunæ, hodie morientis, expectari dixerunt SS. Cæcilia, & Lucia. Expecta èt me; suscipe me, & non confundas me ab expectatione meâ!

23 Aprilis. 9 Kal. Maji.

SANCTE Georgi, tribune militum, & postea Comitum titulo exornate; qui cum à Christo nolles desciscere, iis, quæ habebas, omnibus, prius in pauperes dispersis, supino pectore, saxum ingens, & horridam cultris machinam, fortiter percussus, sed à splendidissimo, tibi adstante, Angelo sanatus es, prætoribus duobus, & Alexandrâ Imperatrice,